

**Uunga siunnersuut: Pisortanut akiitsut akilersinniarneqartarnerat pinaveersaartinne-qarnissaallu pillugit Inatsisartut inatsisaata allanngortinneqarneranik Inatsisartut inatsisaat nr. x, xx. xxxx 2011-meeroaq.**

(atuuffianik annertusisitsineq kiisalu ingerlaannartumik akiliisarnissamik piumasaqaat)

## § 1

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3, 2. maj 1996-imeersumi, Inatsisartut inatsisaatigut nr. 7, 5. december 2008-meersukkut kingullermik allanngortinneqartumi makku allanngutigitinneqarput:

**1. § 5, imm. 1, ima oqaasertaqarpoq:**

"**§ 5.** Akileraarutinut akiliutaavallaarsimasut utertinneqalerneranni kommunit, pissarsisussap utertitassanngorlugit ikorsiissutinut, pilersuisussaatitaanermut akilersuutinut siumoortumik tunniunneqartartunut, inuussutissarsiutitigut suliffeqarfinnut aningaasatigut attartortissimasanut, kommunit inuussutissarsiutitigut suliffeqarfinnut il.il. aningaasaliinermikkut inuussutissarsiutinik ineriaartortitseqataasinnaanerannut atatillugu pisassarisanut, kiisalu paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paavianermut pisassarisanut akilerneqartussanngoreersimagaluartunut akiligassarisaanut naaper-tuutunik ilanngartuisinnaatitaapput."

**2. § 5-imi imm. 1-ip kingorna immikkoortutut nutaatut ilanngunneqarpoq:**

"*Imm. 2.* Akileraarutinut akiliutaavallaarsimasut utertinneqalerneranni inuinnaat, pisassaqrutumut pilersuisussaatitaanermut akilersuutinut akilerneqartussanngoreersimagaluartunut naaper-tuutunik ilanngartuisinnaatitaapput."

*Imm. 2 taamaasilluni imm. 3-nngorpoq.*

**3. § 6-ip kingorna qulequataq nutaaq ilanngunneqarpoq:**

*"Aikiitsoqalernissamik pinaveersaartitsineq"*

**4. Qulequttap nutaap kingorna ilanngunneqarpoq:**

**"§ 6 a.** Inuit imaluunniit inatsisitigut pisinnaatitaasut pisussaatitaasullu aningaaseriviup Kalaallit Nunaanni, Savalimmiuni Danmarkimiluunniit angerlarsimaffeqartup ingerlaannartumik akiliisarnissamik aaqqissuussinermik neqeroorutaanut ilanngunnissaat pisortat oqartussaasut piumasaqaatigisinnaavaat. Tassunga atatillugu aningaasanngorlugit akiliutit akiligassanut naammassinnissutaanissaat pisortanit oqartussaasunit itigartinneqarsinnaavoq.

*Imm. 2. Aalajangersakkami pineqarput pisortanut aalajangersimasumik akiliutaasartut tamar-mik, matumani ilanngullugit akileraarutinut akitsuutinullu akiliutit kiisalu nioqqutissanut sul-liassinernullu akiliutit.*

*Imm. 3. Inuit imaluunniit inatsisitigut pisinnaatitaasut pisussaatitaasullu ingerlaannartumik akiliisarnissaq pillugu aningaaserivimminik isumaqatigiissuteqarfinginnissinnaanngitsillugit imm. 1 atuutissanngilaq.*

*Imm. 4. Inuit aamma inatsisitigut pisinnaatitaasut pisussaatitaasullu pisortanut oqartussaasunut akiliisarnerat pillugu, matumani ilanngullugu inuk ingerlaannartumik akiliisarnissaq pillugu aningaaserivimmik isumaqatigiissuteqarfinginnissamut periarfissaqanngitsillugu maleruagassat erseqqinnerusut Naalakkersuisunit aalajangersarneqarsinnaapput.”*

## § 2

Inatsisartut inatsisaat ullormi 1. juli 2011-mi atuutilissaaq.

*Kalaallit Nunaanni Namminersorlutik Oqartussat, ulloq xx.xx. 2011*

Kuupik Kleist